


Inž. C. BOJIČIĆ  
Zagreb

## Sa isađivanje riba u Poljani

Tokom marta mjeseca posjetili smo ribnjačarstvo Poljana, gdje je bilo u toku isadjivanje mlađa. Pripustovali smo izlovljavanju mladičnjaka X, površine 40 hektara. Izlov je vrlo dobro organiziran i tekoć je bez zastoja. Prvih dana izlova u mrežu je zavlačeno po nekoliko vagona mlađa, tako da je iz jedne mreže isadjivano po cijeli radni dan. Mreža je privućena do prepusta iz susjednog mladičnjaka i voda upušтana direktno u mrežu. Na taj način je riba izvrsno održavana po cijeli dan u mreži.

Mlađi šarana je dobrog zdravlja, a za daljnji uzgoj je nasadivana samo potpuno zdrava riba. Riba je preventivno cijepljena automatskim špricama s chloramphenicolom.

U isti mladičnjak je nasaden 30 hiljada komada ličinaka bijelog amura uvezanog iz SSSR-a putem Kornatexporta. Izlovljeno je oko 2200 komada jednogodišnjaka amura prosječne težine 260 gr, izvrsne kondicije i zdravstvenog stanja. U isto vrijeme nasadena mlađi šarana je dostigla prosječnu težinu



Bijeli amur



Izlov šarana i amura iz mreže

žinu oko 100 gr. To nam pokazuje da je priраст amura i u Poljani izvrstan, daleko bolji nego šarana, i da je uspjeh tog uzgoja u prvoj godini jedan od najboljih. Doznali smo da je u Končanici uspjeh još bolji, tj. od 30 hiljada ličinaka je izlovljeno blizu 5000 komada jednogodišnjih amura, prosječne težine isto oko 260 grama. Još je dobar uspjeh uzgoja amura postignut u novom ribnjačarstvu Prnja-

vor, gdje je od 30 hiljada uzgojeno preko 1000 jednogodišnjaka, prosječne težine oko 300 grama. Najveći prirost su amuri postigli u oglednom ribnjaku Ribarskog gazdinstva Beograd u Pančevačkom ritu — 370 grama, ali je tu od 30 hiljada komada ostalo nešto preko 100 komada. Naime, većina ličinaka je uginula tokom noći u klorisanoj vodi u Zavodu za ribarstvo Ribarskog gazdinstva.



Cijepljenje na sortirnom stolu



Grupa stručnjaka